



Ukuhlomisa izingane zethu  
ngelikusasa

SS 2

**Isihloko sesifundo: Ukudoba okukhulu kwezinhlanzi**

# Umhlahlandlela womzali

Isikole sangeSonto    Isikole sasekhaya



# Mzali Othandekayo

Uyamukelwa kusifundo: **Ukudoba okukhulu kwezinhlanzi**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

| Isinyathelo | Okufanele ukwenze                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   |
|-------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.          | Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp:<br><a href="https://bit.ly/3NACSSHS">https://bit.ly/3NACSSHS</a>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| 2.          | <p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"><li>• IBhayibheli</li><li>• Isifundo ngefomethi ye-PDF esivele silungisiwe</li><li>• Incwadi yengane yokusebenzela kanye namapensele, amakhilayoni, njll.</li><li>• I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho</li><li>• Ikhathekizimu yemibuzo nezimpendulo (Ikakhulukazi kulesisifundo sesiQinisiso).</li></ul> <p><b>Qaphela:</b></p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga le <b>SS 2</b>.</p> <p>2.4: Uyacelwa uthinte uThisha wakho we <b>SS 2</b> uma udinga noma yiluphi usizo noma uma udinga ezinye izinsizakufunda kulezi ezingenhla.</p> |
| 3.          | Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |



# Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

| Isinyathelo | Okufanele ukwenze                                                                                                                                                             |
|-------------|-------------------------------------------------------------------------------------------------------------------------------------------------------------------------------|
| 4           | Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo.<br><br><b>Isibonelo:</b> Hlala phansi ocansini noma eduze kwetafula. |
| 5           | Funda kulesisifundo. Phinda ufunde futhi isifundo ukuze usiqondise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.                 |
| 6           | Zenzele amanothi ngamaphuzu abalulekile ongathanda ukuwakhumbula.                                                                                                             |
| 7           | Yazi inhloso yalesisifundo ingane yakho okufanele siyikhumbule.                                                                                                               |
| 8           | Yethula lesisifundo enganeni yakho noma uyifundele lenandaba uma uthanda.                                                                                                     |
| 9           | Khombisa ingane yakho ividiyo bese uphinde ubuyekeze incazelo yayo.                                                                                                           |
| 10          | Khombisa ingane yakho umsebenzi okufanele iwenze encwadini yayo yokusebenzela.                                                                                                |
| 11          | Khuleka, noma ucele ingane yakho ukuba ikhuleke bese uphetha isifundo.                                                                                                        |

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se **SS 2** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



## Isifundo

|                             |                                                                                                                                            |
|-----------------------------|--------------------------------------------------------------------------------------------------------------------------------------------|
| <b>Isihloko</b>             | Ukudoba okukhulu kwezinhlanzi                                                                                                              |
| <b>Umbhalo weBhayibheli</b> | NgokukaMathewu 4: 18-22; NgokukaLuka 5: 1-11                                                                                               |
| <b>Inhloso yesifundo</b>    | Sifunda ngethonya elikhulu leNkosi uJesu kubantu. Siyabona ukuthi unikwe amandla amakhulu. Silandela iNdodana kaNkulunkulu ngokwethembeka. |

## Isifundo esifingqiwe:

- INkosi uJesu yayifundisa eGalile, futhi izindaba ngezenzo zaKhe zasakazeka ezigodini ezingomakhelwane ngendlela enza ngaYo izimangaliso nokuthi washumayela ngamandla amakhulu kangaka.
- Wamemezela: “Umbuso wezulu ususondele. Phendukani, nikholwe yivangeli!” Wafundisa abantu.
- Ngolunye usuku, Yena wayemi ogwini lweChibi lwaseGenesaretha, eKapernawume. Isixuku esikhulu sasibuthene ngakuYe kungekho noyedwa owayefuna ukuphuthelwa intshumayelo yeNkosi uJesu.
- Njengoba isixuku sikhula ngokwengeziwe, sacishe saphoqa uJesu ukuba awele emanzini. UJesu wangena esikebheni sikaSimoni Petru wamcela ukuba asidonsele kancane phakathi nolwandle kusukela ogwini. Wabheka bonke abantu futhi waqala ukukhuluma nabo esesikebheni.
- UJesu wakhuluma isikhathi eside wabese uphuthula inkulamo yaKhe. Ilanga lase liphakeme impela esibhakabhakeni futhi abantu base belambile.
- UJesu wathi kuSimoni: “Qhubekela ekujuleni, nehlise amanetha enu, nibambe!” USimoni wabheka uJesu emangele ngokuphelele njengoba kwakusemini libalele-bha, kulesimo akekho umuntu ongakwazi ukubamba izinhlanzi!
- Wathi eNkosini: “Nkosi, sisebenze ubusuku bonke, kodwa asibambanga lutho.” Ngokungazelele wakhumbula zonke izinto ezingavamile ayesevele ezibonile lapho eneNkosi yakhe, kepha ngokushesha wanezela wathi: ‘Kepha ngezwi laKho ngiyakuwehlisa amanetha’.
- Ngemuva kwesikhashana, babona ukuthi amanetha abesesinda impela. Bejabule, babiza futhi bakhomba abangane babo ababekwesinye isikebhe: “Wozani nisisize sidonse inetha. Sibambe inqwaba!”
- Wonke umuntu wanikina amakhanda emangele. INkosi uJesu futhi yakhuluma noJakobe noJohane: “Ngilandeleni, ngifuna ukunenza abadobi babantu.”
- Abafundi babengafuni lutho ngaphandle kokulandela le Nkosi enkulu. INkosi ibakhombisile umsebenzi wabo omusha: **Abadobi babantu!**
- Ngenjabulo babefuna ukumsiza alethe izwi likaNkulunkulu kubantu futhi abaholele eNkosini.
- Babona iNkosi uJesu njengeNdodana kaNkulunkulu futhi bafuna ukunikela ngempilo yabo emsebenzini waYo.



## Ingabe sisho ukuthini lesisifundo kithina namhlanje na?

- Lesi ngesinye sezimangaliso eziningi ezenziwa yiNkosi uJesu. UJesu uyiNdodana kaNkulunkulu futhi nguYe kuphela onamandla okwenza izimangaliso.
- Kwesinye isikhathi, izingqondo zethu zobuntu ziletha ukungabaza, kepha kumele sihlale sikhumbula ukuthi noma yini ingenzeka ngoKristu, nokuthi kumele sibe nokholo, futhi lokho kukholwa okufana nokwengane kuyavuzwa (kuyabusiswa).
- Namuhla, abaPhostoli bethu bangabadobi babantu futhi banikela impilo yabo emsebenzini kaJesu. Bangamanxusa kaKristu futhi baletha ivangeli ezinganeni zaKhe.
- Nathi, kufanele sisakaze izwi likaKristu kubangani bethu futhi sikhulume ngazo zonke izinto ezinhle Yena asenzele zona.

## Eminye imibuzo esingayibuza:

### 1. Ingabe sasiyini isimangaliso esenziwa nguJesu ngalolo suku na?

**Impendulo:** Wavumela abadobi ukuba babambe izinhlanzi eziningi ukuze bondle amalungu alambile.

### 2. Ingabe bazizwa kanjani abafundi emva kwalesi sehlakalo na?

**Impendulo:** Ukuthembela kwabo nokukholwa kwabo kuJesu Kristu kwaqiniswa futhi bafuna ukumlandela ingunaphakade.

## UMkhuleko kaBaba noMama ngaphambi kwesifundo:

*Nkulunkulu othandekayo, ngiyakubonga ngalolusuku*

*Busisa bonke abazali nezingane*

*Sengathi singabuzwa ubukhona baKho*

*Busisa isifundo esizoba naso*

*Sicela usifundise ukukukhonza*

*Futhi usisize ukwenza intando yaKho*

*Ukuze sikhule sisondele kuWe*

*Thumela uJesu azosilanda*

*Futhi kwangathi singalungela ukuhlangana naYe*

*Amen*